

PRIMLJENO:		18-05-2020	
Organizaciona jedinica	Klasifikaciona oznaka	Redni broj	Broj priloga
07-	50-1	-15-	9/20

PREDSTAVNIČKI DOM

PARLAMENTARNE SKUPŠTINA BOSNE I HERCEGOVINE

n/r predsjedavajućeg

Na osnovu čl. 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15) postavljam sljedeće

POSLANIČKO PITANJE

1. Šta će Vijeće ministara BiH poduzeti po pitanju donošenje propisa kojim bi se riješio status JP „Bosanskohercegovačke šume“ Sarajevo, kao i status drugih javnih preduzeća čiji osnivač je Republika Bosna i Hercegovina.

Obrazloženje

Zakonom o osnivanju Javnog preduzeća u djelatnosti šumarstva „Bosanskohercegovačke šume“ („Službeni list RBiH“, broj 9/95), Skupština Republike Bosne i Hercegovine osnovala je Javno preduzeće u djelatnosti šumarstva „Bosanskohercegovačke šume“ Sarajevo.

Iako prema Ustavu Bosne i Hercegovine, Bosna i Hercegovina nastavlja pravni kontinuitet Republike Bosne i Hercegovine, još uvijek na nivou Bosne i Hercegovine nisu doneseni propisi koji bi regulisali statusna i druga pitanja javnih preduzeća čiji osnivač je Republika Bosna i Hercegovina.

Zbog nedostatka propisa na nivou države Bosne i Hercegovine, Javno preduzeće u djelatnosti šumarstva „Bosanskohercegovačke šume“ nije u mogućnosti provoditi bilo kakve statusne promjene, pa samim tim nije u mogućnosti osigurati adekvatno poslovanje preduzeća u kojem radi 23 zaposlenika, od čega 14 sa VSS uglavnom inženjera šumarstva. Vlada Federacije BiH je u proteklom periodu uputila nekoliko inicijativa prema Vijeću ministara BiH za rješavanje statusa ovog preduzeća, koje je osposobljeno za izradu visoko-sofisticiranih projekata u oblasti šumarstva.

Pitanje postavljam Vijeću ministara Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine Bosne i Hercegovine.

Sarajevo, 14.05.2020. godine

mr.sci. Šemsudin Dedić, zastupnik PS BiH

